

起死回生秘訣

全卷

男女欲保身體者不可不看

最新
實驗

江蘇工業學院圖書館
藏書章

起死回生秘訣

上海
廣雅
啟新
圖書局印行

民國拾壹年初版

版權
所有
不許
翻印

（最新實驗起死回生秘訣）

（全書壹冊定價洋二角）

著作者 蜀南梅東閣

印刷者 廣雅書局

分售處 各省大書局

總發行所

上海啟新圖書局

序

天地有好生之德人亦莫不好生而惡死乃竟有死於非命者或被人害或係自誤如係被害而死害之者例當償命是救一命可以全兩命也如死者係其家仰望之人死後何所託命是救一人之命並可救其全家之命也語云救人一命勝造七級浮屠人之好善誰不如我見死不救斷無此情但恐有救之心而無救之之法且有命在俄頃延醫亦不及待者言念及此惻然憫之爰編輯起死回生一冊以備急救救治得法必有奇效即使萬無生理亦當盡人事以聽天命茲冊方論易知易能依法而行人人可操救人之術庶可躋斯世於仁壽也夫

蜀南怡養山人梅光鼎東閣甫自叙

起死回生秘訣目錄

氣亡猝死

中惡猝死

刀傷流血垂死

金瘡流血垂死

跌打損傷垂死

打傷垂死

跌傷垂死

自縊死

夜卧魘死

痰厥卒死

中暑毒死

水溺卒死

鬼擊猝死

脫陽欲死

驚怖卒死

解救砒毒垂死

毒疔垂死

無故卒死

小兒無故卒死者以葱白納入下部及兩鼻孔內氣通或嚏即生

卒然忤死不能言者用雄雞冠血和真珠丸小豆大納三四丸入口中效

方用后

人卒暴死搗女青屑一錢安咽中以水或酒送下立活

南岳魏夫人內傳

忽然胡言亂語昏迷跌倒而死此症不省人事切勿挪動動則難治急

用大爆竹放頭脚兩處

頭頂邊一箇脚底一箇

一齊點放其人自醒無恙大小皆

治屢治如神

暴厥卒死凡人卒然倒仆急扶入暖室扶住正坐用火炭沃醋使醋氣

冲入鼻中良久自醒或搗韭菜汁灌鼻或用皂角末吹鼻得噴嚏即醒

如倉猝無藥急於人中穴及兩足大拇指離甲一韭葉許各用艾火灸

三五次即活

尸厥死由入廟吊喪問病而得者用附子

七錢重者炮熟去皮臍為末

分二服每

服酒三盞煎一盞如無附子生薑汁半盞和酒同煎百滾連灌二服即醒此疾厥治亦可

尸厥死腹響如雷硫黃一兩焰硝五分研細分作三服好酒煎至烟起則止溫灌下片時再服即安驗方

中惡卒死

中惡卒死者急取葱心黃刺入鼻中男左女右入七八寸血出即愈並以葱刺入耳者五寸亦治自縊垂死者又方斷猪尾血飲之並縛脉枕之即活此乃長桑君授扁鵲法也又方或先病痛或卧而忽絕並速取雄鴨向死人口斷其頭瀝血入口外以竹筒吹其下部極則易人氣通即活也

猝死寢死者皆中惡也用雄雞冠血塗面上乾則再上仍吹入鼻中並以

灰營死人一周

肘后方

中忤中惡鬼氣此症或暮夜登廁或出郊外薦然倒地厥冷握拳口鼻

出清血。須臾不救。似乎尸厥。但腹不鳴。心腹暖耳。切勿移動。令人圍繞。燒火打鼓。或燒蘇合香。安息香。麝香之類。候醒。乃移動。用犀角五錢。麝香。硃砂各二錢。五分為末。每水調服二錢。即效。華佗方

卒然中惡

用韭汁灌鼻中。便甦。

食醫心鏡

卒中惡死

用猪尾血一匙。調龍腦少許。新汲水服之。

時珍方

又斷猪尾取

血飲。

卒中惡死

吐利不止。不知是何病。

不拘大人小兒。用馬糞一丸。絞汁灌

之。乾者水煮汁亦可。此扁鵲法也。

中惡不醒

令人尿其面上。即甦。此扁鵲法也。

卒中惡死

卒死或先病。或平居寢卧。奄忽而死。皆是中惡也。以薤汁灌

鼻。便省。

卒死壯熱

礬石半斤。水一斗半。煮湯浸脚及踝。即得甦也。

肘後方

刀傷流血垂死

刀傷流血垂死

刀傷流血名曰創血與吐衄不同乃平人被傷出血既無偏陰偏陽之病故專以止血為要止得一分血便保得一分命當其初受傷時急救之際止血不必分陰陽有以涼藥敷上而血止者桃花散是也有以熱藥敷上而血止者黑薑炭是也不似吐衄出於偏陰偏陽之病氣吐衄家止血必以治病氣為主病氣退斯吐衄亦退與此刀傷流血迥不同也刀傷二三日後則亦與吐衄略同有瘀血腫痛者宜消瘀血刀口敷花蕊石散腫處用乳香沒藥麝香三七蔥白搗敷瘀血消散則腫痛自除內服黎洞丸治之

刀傷去血過多傷其陰分症見心煩發熱口渴法宜補氣以生血血足津生則不渴矣聖愈湯加棗仁花粉兒茶乳香沒藥甘草此在吐衄家則宜補血而抑氣以內症係血分之氣不可使氣乘血也刀傷則是氣分之血故宜補氣以生血氣達患處乃能生肌氣充肌膚乃能行血與治內症者不同如有氣虛不能統血氣寒不能生血者則宜八珍養榮湯

參附湯等。以固氣者固血。吐血家亦間用此等藥物者。

刀傷之血在氣分。皮膚尤衛氣所統。破其皮膚。氣先漏洩。故以補氣為主。醫者須分別內外。而知其同中之異。異中之同。則得之矣。

客問刀傷何以善於冒風。答曰。人之所以衛外者。全賴衛氣。衛氣生於膀胱。達於三焦。外循肌肉。充於皮毛。如室之有壁。宅之有牆。室之有壁。外邪不得而入也。今既破其皮膚。是猶牆之有竇。壁之有穴。揖盜而招之入也。是以刀傷更易外感。病見發熱頭痛。牙關緊閉。吐痰抽掣。角弓反張。皆是衛氣為病。所不同者。多出血症而已。但治法亦分寒熱。分詳於下。無汗者為風中挾寒。寒閉皮毛。宜用小柴胡湯。加荊芥防風紫蘇。蓋小柴胡乃治熱入血室之方。凡外邪入血分者。小柴胡湯皆能疏理而和解之。加宣助衛氣之藥。則偏治衛氣。而主發汗矣。破傷風治法如是。既失血家虛人感傷。以及產後傷寒治法。皆可參考。若刀傷去血過多。不可再發汗者。宜當歸地黃湯。或四物湯。加去風之藥。以補血而驅

邪也。失血家去血過多。與產後去血過多。而復得感冒之症者。與此

治法無異。皆宜先滋其血。以裕汗源。後宣其氣。以解外邪。

有汗者為風中挾熱。熱沸肌肉。法宜清散其熱。當歸芍黃湯加殭蠶

蟬蛻。若兼便結者。加大黃治之。此即傷寒論發熱汗出。用白虎湯燥結

者。用承氣湯之意。醫者得其意而變化之。有許多法門。

夫刀傷者。氣分之血病也。故邪在表者。從氣分以發之。邪在裡者。從氣分

以奪之。邪在半表半裏者。從氣分以和之。兼用血藥。斡旋其間。血調而

氣亦調。氣調而血愈治矣。若失血家。乃血中之氣病也。故有感冒。則但

取調血。而兼用氣分之藥。以從治之。與此同而不同。

凡刀傷冒風。總宜殭蠶蟬蛻。搗和葱白敷之。力能拔風消腫。神效。

凡刀傷潰爛。與瘡同治。此即瘀血變化成膿之說也。血凝不散。為氣所

蒸。則化而成膿。血者陰也。氣者陽也。陰從陽化。故膿似水。以氣之所化

即為水也。而又非水者。則以其為血所化。方不失血之本質。故稠濁似

水實則水與血交并而成形者也。故凡去膿之藥，即是去水之藥。而提膿之藥，又即是乾水之藥。內服八珍湯，加苡仁、木通、六君子湯，加當歸、赤豆芽治之。外敷化腐生肌散，提膿加龍骨、生肌加珍珠。

金刀瘡傷

新桑白皮燒灰，和馬糞塗瘡上。數易之，亦可煮汁服之。

廣利方

刀斧金瘡

端午午時，取晚蠶蛾石灰、茅花搗成團，草蓋令發熱，過收貯。

每用刮下末搽之。

刀斧傷創，血出如箭者。

用晚蠶蛾炒為末，傅之即止，甚效。

勝金方

刀斧損傷

白芨、石膏煨等分為末，搽之亦可收口。

濟急方

刀斧傷瘡

荷葉燒研搽之。

集簡方

外科刀傷

刀傷破損，出血多少不止者，忌風並忌水也。宜止血封肌丹。

刀傷亡血，口渴煩氣喘者，陰亡而陽越也。宜滋陰養陽湯。

刀傷胃風，發腫發痙發抽者，血陰筋失養也。宜滋血養肝湯。

刀傷潰爛成腫流水不止者血瘀而化膿也宜提膿化癰湯

刀傷肚破但未穿腸洞胃者可縫治聯合也宜補腹納腸方破處不可

沾水不可沾油宜緩緩將腸納入腹中用桑皮抽作綫縫合之外敷止

血封肌丹用綿紬裹之或用綿綫麻油潤過亦可

自刎項傷但是軟喉未斷者可急救縫合也宜救急復生散

刀傷出血者用龍眼核炒搗細敷之或用火燒枯存性研末摻之極驗

凡刀傷及磕傷者用桂圓核仁搗敷之定痛止血生肌愈後無癰傷鬢

且能生髮如人家有小兒女者不免磕傷刀傷宜備此藥愈後面上無

癰鬢間生髮

刀傷神藥古石灰新石灰綠瓜根葉初種放兩葉者韭菜根各等分搗一千下

作餅陰乾為末擦之止血定痛生肌如神董炳集驗方

金瘡流血垂死

金瘡中風角弓反張者用杏仁杵碎蒸令氣溜絞脂服一小升兼摩瘡

上良。必效方

金瘡出血者 用榴花半斤。石灰一升。搗和陰乾。再用少許敷之立止。崔元亮方

折傷金瘡 乾梅燒存性傳之。又方 白綿花及布。治血崩金瘡。燒灰

用。時珍

金瘡不合者 象皮燒灰和油敷之。

金瘡悶絕不識人者 用琥珀研粉。童便調一錢。三服瘡。鬼遺方

金瘡出血者 用牡蠣粉敷之。肘后 又方用白薇治之。

金瘡出血 不可以藥速合。恐內潰傷肉。只以黃丹滑石等分為末敷之。

集元方

刀刃金瘡 用石灰裹之。定痛止血。又速愈瘡深不宜速合者。入少許滑

石敷之。肘后方

金瘡瘀血在腹中 用大麻仁三升。葱白十四枚。搗熟水煎服。血出不盡。

再服。千金方

金瘡癰腫及竹木簽刺等毒 用糯米三升於端午前四十九日以冷水浸之一日兩換水輕淘轉勿令攪碎至端午日取出陰乾絹袋盛掛通風處每用旋取炒黑為末冷水調如膏藥隨瘡大小裹定瘡口外以布包定勿動直候瘡瘥 若金瘡犯生水作膿腫甚者急裹一二食久即不作膿腫也 若癰初發纔覺焮腫急貼之一夜便消 靈苑方 此時宜預備

金瘡出血不止 血見愁草研爛塗之 危氏得效方 又方 用生麝乾傳五

七日即愈 蘭氏經方

金瘡內漏 牡丹皮為末水服三指撮立尿出血也 千金方

金瘡作痛 生牛膝搗敷即止 梅師方

金瘡出血 牡蠣粉傅之

金瘡悶絕不識人 琥珀研粉童便調一錢三服瘥 鬼遺方

金瘡犯內血出不止 取所交婦人中衣帶三寸燒末水服 千金方

金刃所傷未透膜者 用乳香沒藥各一錢童便與酒各半盞溫化服之
為末亦可

治金瘡消腫毒 宜用紫檀鹹寒血分之藥以和營氣 時珍

金瘡流血且痛者 用紫檀刮末傅之即止血止痛 景陶弘

金瘡出血 降真香五倍子銅花等分為末傅之 醫林集要

折傷金瘡 用降真香療之能止血定痛消腫生肌 時珍

金瘡出血甚多 若血冷則殺人宜炒鹽三撮酒調服之 梅師方

金瘡中風 煎鹽令熱以匙抄漉却水熱瀉瘡上冷更着一日勿住取瘡

大效 肘后方

金瘡出血 雲母粉傅之絕妙 事林廣記

金瘡出血 白蠟蠶炒黃研末傅之立愈 斗門方

金瘡出血不止者 五倍子末貼之若閉氣者以五倍子末一錢入龍骨

少許湯服立效 談楚翁方

拔萃

方

一切金瘡

五倍子降真香等分炒研末傅之皮肉自痊名喙合山

金瘡中風 自取小便日洗二三次不妨入水 聖惠

金瘡出血不止 飲人尿五升 千金

金瘡內漏 取瘡中所出血以水和服之 千金

金瘡出血不止 取葱炙熟按汁塗之即止 梅師方

金瘡血出 柳絮封之即止 外臺

金瘡出血 薑汁和風化石灰日乾每用為末傅之效 頻湖集

刺傷中水腫痛 煮薑熟搗之 千金

金瘡傷重被驚者 以女人中衣舊者炙襠熨之 李奎太白經註

跌打損傷垂死

四肢頭面跌打損傷疼痛者經絡有死血也宜通瘀達滯湯
腰腹胸背跌打損傷疼痛者膜內有死血也宜化瘀逐血湯
跌打損傷無論何處腫痛者當散血使消也宜火煨酒調散